

清代筆記叢刊

堅瓠集

褚人穫著

二

卷之五

五

二

堅瓠二集序

堅瓠集二刻告成以示稱翁稱翁驟然曰此非稼軒意也稼軒篤學士也擁書萬卷自擬南面百城鉢心史乘購求如不及博聞醜記不啻溫公之每事必諮出處子雲之藩溷皆着筆札同輩咸畏之余家貧不能得書性懶又弗耐抄錄記誦一二輒便遺忘忽忽有所憶口不得道以質稼軒琅琅成誦不爽隻字洵可繼行秘書矣而古今人事是非得失歷歷在臆闡幽表微皆人所未發又所稱皮裏陽秋也平日所纂輯每百頁為一編字必端楷卷帙且數十皆有關正學足以羽翼名教秘未壽梓稼軒意若有待焉者堅瓠所載不過閒情剩馥或前撫卮辭或近標別韻目存神賞聊付管城後先所得何止八卷因狗雞林之請不惜好事之目以是知非稼軒意也然幽人遊子於月戶芸窗車聲帆影閒袖出一編用資談柄不誠下酒物哉宜乎洛陽為之紙貴不脛而走天下也細微必錄感觸最真談笑之間大道斯寓是編也諧世醒世之用半焉夫子言之矣吾豈匏瓜也哉焉能繫而不食稼軒其深自信也夫

康熙辛未清和朔稱翁彭榕序



堅瓠二集卷之一目錄

寒拾問答

各省地諱

楚中二督學

陳全滑稽

咏洩氣

賣閒

詩嘲廣文

耳聾詩

俗語歇後

清客門對

買鹽吃醋

對句

玉堂爭鬧

嘲醫

抱佛脚

用舊句

嘲方于魯

舊律易字

歐公詩戲

唐解元詩

吏對

火迫鄮侯

燕熟顏回

印章

黃曆給事

東坡慕樂天

訓別字

文笑

祝石林

俗識

同東集

劣詩

詩規性急

題鳩鵲圖

懼內有理

解大紳

歐陽酒令

麻胡

三笑事

歇後詩

破瓜無元

張趙兩相

楊南峯浴

王婆醋鉢

諸理齋詩

盤門詩伯

輓卦

吝卦

論卦

壽卦

蟹卦

內黃侯

圓膏尖螯

蟹詩

芙蓉詞

水上打一棒

賦詩得釋

落霞

華清宮詩

角妓垂螺

詩家喻愁

石獨山單

詩咏溺婦

題松

朱文公詞

堅瓠二集卷之一

清 長洲石農褚人獲學稼纂輯

寒拾問答

寒山問曰。有人打我。罵我。辱我。欺我。嚇我。騙我。凌虐我。以極不堪待我。如何處他。拾得答曰。只是避他。耐他。忍他。敬他。畏他。讓他。一味由他。不要理他。你且看他。味拾得數語。非特唾面自甘。直與山鬼之伎倆有限。老僧之不聞不見。無窮同意。至末後你且看他一語。不止牢騷憤激。而天道好還之意。默寓其中。可不戒哉。

各省地諺

各省皆有地諺。莫知所始。如畿輔曰響馬。陝西曰豹。山西曰瓜。山東曰胯。河南曰驢。江南曰水蟹。浙及徽州曰鹽豆。浙又曰猷。江西曰臘雞。元時江南亦號臘雞。福建曰癩。四川曰鼠。湖廣曰乾魚。兩廣曰蛇。雲貴曰象。務各以諺相嘲。成化中司馬陝西楊鼎與司寇福建林聰會坐。林戲曰。胡兒十歲能窺豹。以楊多鬚而年少。楊即曰。癩子三年不似人。又河南焦芳過李西涯邸。見簷曝乾魚。戲曰。曉日斜穿學士頭。西涯曰。秋風正灌先生耳。以諺有秋風灌驢耳句也。廖鳴吾道南戲倫白山曰。人心不足蛇

吞象。倫曰：天理難忘，獺祭魚。又蜀舉子張士儼與廣士某善，每見輒曰：「委蛇委蛇。」某應聲曰：「碩鼠碩鼠。」又李時嘗以臘雞獨擅江南味，戲夏言，言即答以響，馬能空冀北羣。又嚴嵩生日，江西士紳致賀，嵩長身聳立，諸紳俯身趨謁。高中玄旁睨而笑，嵩問故，中玄曰：「偶思韓昌黎詩：『大雞昂然來，小雞竦而待。』是以失笑耳。」眾亦闕堂大笑。

楚中二督學

嘉靖間，楚中督學吳小江有愛少之癖。冠者多去其中，為垂髻，應試吳見其額上網痕，遂口占一詩曰：「昔日裁冠已偉然，今朝卍角且從權。時人不識予心苦，將謂偷閒學少年。」一時傳誦，無不絕倒。其後錢塘金一作曾省吾代之，所拔亦多弱冠。桃源一生聞其風，遂割去鬚髯入試，考居四等。及發落，省吾以四等人多，不欲盡加朴責，恕其齒長者而責少者。此生以無鬚被責，人嘲之曰：「昨日割鬚為便考，今朝受責加煩惱。儒巾紗帽不相當，有鬚無鬚皆不好。」

陳全滑稽

明金陵陳全，負俊才，性好烟花，持數千金遊燕，皆費於平康市。一日浪遊，誤入禁地，為中貴所執，將昇巡城。全曰：「小人是陳全，祈公公見饒。」中貴素聞其名，乃曰：「聞陳全。」

善取笑可作一字。能令我笑。即釋你全曰。屁中貴曰。此何說。全曰。放也由公公不放也。由公公中貴笑不自制。因放之。

咏洩氣

三山林觀過年七歲。嬉遊市中。以鬻詩自命。或戲令咏洩氣詩。視之不見。名曰希聽之。不聞。名曰夸。不啻若自其口出。人皆掩鼻而過之。

賣閒

承天寺僧曰岫閒。刻賣閒詩。索和。憲副李如穀先生以詩訶之曰。老禿何人敢說閒。八句行脚古來傳。磨磚碓米僧家事。施烏添香度日緣。閒自己偷誰敢賣賣于天。譴定追還。痴呆可賣閒難賣。鬼斧神鎗不汝憐。

詩嘲廣文

萬歷中。王廣文號竹月。年邁鬚齒已落。更缺一耳。一生作詩嘲之曰。竹月號三無。無恥齒之恥。無然而無有爾耳。則亦無有乎。偶御史蒞府。各縣屬候見於官署中。談及斯詩。以為笑謔。及入謁。一令忽覩竹月於班行中。不覺失笑。御史疑令慢。已詰之。令因以寶對。并舉前詩。御史亦大笑。

耳聾詩

弘治初杭庠沈明德宣嗜酒能文工於書畫董學吳原明因沈納卷取閱之與之語且重聽命賦耳聾詩限談字因草書耳聾二字於牌沈望見耳脚帶長以為打字亟奔去吏喻以作詩遂口占云紅塵飛滿舊青衫貧病年來笑更兼四十無聞聾亦順半生多事老何堪山蟬一任鳴方歇穴蟻從教鬪正酣兀坐無言心似水對人袖手倦清談後以貢授安慶訓導○雪濤諧史一人以易語賦耳聾云飛在天見在田兀有悔確乎

俗語歇後

吳中黃生相掀唇人呼為小黃竅嘴讀書某寺中一日寺僧進麪因熱傷手忒地黃作歇後語謔之曰光頭滑光頭浪光頭練光頭勒謂麪盪揲忒也僧亦應聲戲曰七大八七青八七孔八七張八蓋隱小黃竅嘴四字黃亦絕倒

清客門對

一清客書門對曰心中無半點事眼前有十二孫有人續其下曰心中無半點事兩年不曾完糧眼前有十二孫六箇未經出痘見者絕倒

買鹽吃醋

萬歷中。湖廣張孝廉某。奸李屠兒之妻。方執手調笑。屠兒適歸。鎖閉其門。用杖擊孝廉脛。哀求得脫。告屠兒於官。稱往渠家買鹽。被毆。縣令已悉前情。乃置一聯於狀尾云。張孝廉買鹽。自牖執其手。李屠兒吃醋。以杖叩其脛。

對句

滇南趙某。仕楚中為郡守。好出對句。一日見坊役用命紙糊燈。遂出句云。命紙糊燈。籠火星照命。思之未得。至歲暮。見老人高捧曆日。叩頭獻上。拍案大叫。遂對前句曰。頭巾頂曆日。大歲當頭。老人認其怒已。叩首乞哀。守語其故。厚賞而出。

玉堂爭鬧

景泰間。修續通鑑綱目。督促翰苑各舉所知。於是丁參議程等皆被召。聶大年教授扶病入館。退食私寓。經宿物故。章主事諷病。劉治中寶老。劉宣化譏之曰。昔人云。生老病死苦。史館備矣。時丁程與宋尚寶懷尚氣失色。忿詈。館中陳緝熙鑑作一詩云。參議丁公性太剛。宋卿凌慢亦難當。亂將毒手拋青史。故發僞言污玉堂。同輩有情難勸解。外郎無禮更傳揚。不知班馬韓蘇輩。曾為修書鬧幾場。

嘲醫

世譏庸醫者甚多。近見諧史一條云。一醫治一肥漢而死。人曰。我饒你不告狀。但為我擡柩至墓所。醫人率妻子共擡。至中途力不能舉。乃吟詩云。自祖相傳歷世醫。妻續云。丈夫為事累連妻。長子云。可奈尸肥擡不動。次子云。如今只揀瘦人醫。

抱佛脚

士子遇文宗按臨。始用功讀書。謂之抱佛脚。不解其故。後見中山詩話。王荊公嗜諧謔。一日論沙門道。因曰。投老欲依僧。客遽對曰。急則抱佛脚。王曰。投老欲依僧。是古詩。客曰。急則抱佛脚。是俗諺。上去投。下去脚。豈非的對。王大笑。則抱佛脚之說相傳已久。而未知所本。及見宋張子正世南宦游紀聞云。雲南之南有番國。俗尚釋教。人犯罪應誅者。捕之急。趨往寺中。抱佛脚悔過。願髡髮為僧。以贖前罪。即賞之。諺云。閒時不燒香。急則抱佛脚。本此。

用舊句

杭有一婦。夫死未終七。即嫁。被族人訟於官。浼金編修為解釋。臨審時。金以他事見令。佯問此婦何事。令曰。丈夫身死未終七。嫁與對門王賣筆。金曰。月移花影上闌干。春色惱人眠不得。令笑而從未減。

嘲方于魯

徽人方于魯。以造墨起家。多薦紳交。有長安貴人寄蘭州。戒於方。時已四月矣。方急為製衣服之。以誇示賓客。汪南溟作詩嘲之曰。愛殺蘭州乾韃韃。寄來春後趲裁縫。寒回死等桃花雪。熱透生憎柳絮風。忽地出神尋細脚。有時得意挺高胸。尋常一樣方于魯。纔着絨衣便不同。

舊律易字

廣東二貢士爭名。至相毆。友人用舊律易字誚之曰。南北齋生多發顛。春來爭榜各紛然。網巾扯作黑蝴蝶。頭髮染成紅杜鵑。日落主童眠閣上。夜歸朋友笑燈前。人生有打須當打。一棒何曾到九泉。

歐公詩戲

劉原父晚年再娶。歐公作詩戲之云。仙家千載一何長。浮世空驚日月忙。洞裏桃花莫相笑。劉郎今是老劉郎。原父得詩不悅。一日歐公與王拱辰同在會間。原父戲曰。有一學究訓徒。徒誦毛詩。至委蛇委蛇。徒念從原字。學究怒而責之曰。蛇當讀作媿。毋得再誤。明日。徒觀乞兒弄蛇。飯後方來。先生怒其來遲。欲責徒曰。遇弄媿者。從眾。

觀之。先弄大姨。後弄小姨。是以遲也。歐公亦為噱然。蓋歐公與拱辰同為薛簡肅公壻。歐公先娶王夫人。姊亡後再娶其妹。故拱辰有舊女壻為新女壻大姨夫作小姨夫之戲。按簡肅公墓文。拱辰兩為公壻。而詩話皆作歐公。未知何故。

唐解元詩

吳令命役於虎丘採茶。役多求不遂。譖僧。令答僧三十。復枷之。僧求援於唐伯虎。伯虎不應。一日偶過枷所。戲題枷上曰。官差兒隸去收茶。只要紋銀不肯賒。縣裏捉來三十板。方盤托出大西瓜。令見而詢之。知為唐解元筆。笑而釋之。○又伯虎嘗出遊遇雨。過一兒隸家。以紙筆求畫。伯虎遂畫海螭數十。題其上云。海物何曾數着君也。隨盤饌入公門。干呼萬喚不肯出。直待臨時敲窟聲。戒菴漫筆作瞿炳暘作。

吏對

泰興令胡瑤。暱一門子。坐堂時。見一吏挑之與偶語。令怒。欲責治之。吏漫云。渠是小人表弟。叙家常耳。令遂出對曰。表弟非表兄表子。汝能對免責。吏曰。丈人是丈母丈夫。令嘉其善對。笑而釋之。

火迫鄴侯

唐原休受朱泚偽官。自比蕭何。入長安日。首收圖籍。時人目之曰火迫鄼侯。宋南渡有郭某為將。自比諸葛。酒後輒咏三顧頻繁兩朝開濟之句。屏風便面。一一書此。未幾敗於江上。倉皇涕泣而匿。時謂之尿汁諸葛。正堪作對。

熟熟顏回

代醉編。宋陳繹好為敦朴之狀。時謂熟熟顏回。熙寧中。台州推官孔文仲舉制科對策言事。有痛哭太息語。執政惡而斥之。繹時翰林學士。曰。文仲狂躁。真杜園賈誼。王平甫笑曰。杜園賈誼可對熟熟顏回。

印章

天順間。錦衣門達甚得上寵。有桂廷珪者。為達門客。乃私鑄印章曰錦衣西席。後有甘棠為洗馬。江朝宗塔棠亦有翰苑東牀印章。一時傳賞。可為的對。

黃厯給事

林居漫錄。王誼峯守初入諫垣。例當建白。乃請行令各省直少印黃厯。每圖止給里長一本。而圖民就觀焉。以省國用。同時某御史倣其意。請少印青由。每圖止給里長一張。而圖民併列焉。以節冗費。都人為之語曰。黃厯給事。青由御史。宋紹興間。趙需